



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Internal Affairs**

Broj:01-07-02-2-2593/20

Dana, 18.06.2020.godine

**SKUPŠTINA KANTONA SARAJEVO**

**PREDMET:** Odgovor na zastupničko pitanje zastupnice Neire Dizdarević-dostavlja se;

**VEZA:** Vaš akt broj:01-04-12553-24/20 od 19.05.2020.godine;

Skupština Kantona Sarajevo je aktom broj i datum veze dostavila ovom Ministarstvu zastupničku inicijativu koju je uputila na 25. Radnoj sjednici Skupštine Kantona Sarajevo zastupnica Nejra Dizdarević, a koja se odnosi na vršenje inspeksijskog nadzora nad provođenjem mjera zaštite od požara i planovima zaštite od požara, kao i nad provođenjem propisa o tehničkim normativima i standardima koji se odnose na zaštitu od požara u objektima kolektivnog stanovanja na adresama Bajrama Zenunija broj 1,2,3,4,5 i 6, dostavljamo vam izvještaj o izvršenom nadzoru i preduzetim mjerama. U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje Inspektora za zaštitu od požara zaposlenih u MUP-u KS:

Postupajući po navedenoj inicijativi inspektor za zaštitu od požara Inspektorata MUP-a Kantona Sarajevo je u periodu od 8. do 12. juna izvršio ukupno sedam inspeksijskih pregleda na navedenim adresama kojim je konstatovao stanje objekata sa aspekta zaštite od požara, te organizaciju provođenja mjera zaštite od požara i provođenje propisa u toj oblasti.

Predmet vršenja inspeksijskog nadzora je jedinstvena građevinska cjelina u ulici Bajrama Zenunija sa ukupno 6 objekata međusobno oslonjenih jedni na druge u kojima se nalazi 332 stambene jedinice i ukupne korisne površine od 17.918 m<sup>2</sup>. Korisna površina pojedinačnih objekata i broj stambenih jedinica u njima se kreće od 2350 m<sup>2</sup>, odnosno 43 stana do 3.374 m<sup>2</sup>, odnosno 64 stambene jedinice. Na ovim adresama živi ukupno oko 1.300 stanovnika. Svi objekti su izgrađeni i useljeni 70-tih godina prošlog stoljeća. Svi objekti su različite spratnosti visine od 10 do 18 spratova i sa aspekta zaštite od požara spadaju u grupu visokih objekata, te shodno tome se, pored ostalih propisa mora primijeniti Pravilnik za zaštitu visokih objekata od požara ("Sl.novine FBiH", broj:81/11). Prema Pravilniku o uslovima, osnovama i kriterijima za razvrstavanje građevina u kategorije ugroženosti od požara ("Sl.novine FBiH", broj:79/11) svi objekti u ulici Bajrama Zenunija 1 do 6 spadaju u prvu kategoriju požarne ugroženosti i tretiraju se kao visoko zahtjevne građevine.

Na ovih 6 objekata određeni su predstavnici etažnih vlasnika, a nadležni upravnici su:

- B. Zenunija 1 i 5 - "Sarajevostan" d.o.o Sarajevo,
- B. Zenunija 3, 4 i 6 - "Hetig"d.d. Sarajevo i



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



- B.Zenunija 2 - "Fidges-upravitelj" Sarajevo.

Upravnici ne raspolažu projektnom dokumentacijom pojedinih zgrada, niti niza u cjelini.

Prilazni putevi i prolazi za vatrogasna vozila projektovani su i izgrađeni sa istočne strane gdje se nalaze i ulazi u objekte, te sa zapadne strane prema parkovskoj površini. Njihova prosječna širina omogućuje prolaz vatrogasnim vozilima, u najvećem dijelu su slobodni, međutim nisu označeni niti osigurani saobraćajnim znakovima zabrane saobraćaja i parkiranja ili, sa zapadne strane postavljanjem rampe. Objekti ne raspolažu zasebnim protivpožarnim stepeništima koji bi služili za evakuaciju ljudi. Umjesto njih zgrade su projektovane i izgrađene tako da glavni evakuacijski pravac izlazi na ravni krov svakog objekta sa kojeg je omogućen prelazak na krov drugog susjednog objekta. Zgrade su na krovu zbog različitih visina povezane protivpožarnim stepeništem i to u parovima (1 i 2, 3 i 4, 5 i 6). Pored krovnog evakuacijskog izlaza svaka zgrada raspolaže sa još dva. Jedan je sa istočne strane kroz postojeće ulaze u objekte. Treći evakuacijski izlaz je sa istočne strane svakog objekta iz prizemlja koji izlazi na slobodnu parkovsku površinu. Krovni i istočni evakuacijski izlazi nisu u potpunosti prohodni sa aspekta zaštite od požara. Naime, na tim izlazima nisu postavljena vrata sa posebnim mehanizmom za samozatvaranje, vrata su zaključana i koriste se rijetko, uglavnom od strane predstavnika etažnih vlasnika. Predstavnici i upravnici zgrada to pravdaju čestim neovlaštenim izlascima na krov stanara i nepoznatih lica kada je bilo i slučajeva nastanka štete. U jednom evakuacijskom izlazu na broju 4 zatečeno je neovlašteno korištenje istog. Izlaz nije prohodan u slučaju izbijanja požara. U objektima ne postoji plan ili publikovano uputstvo za slučaj nastanka požara. Ne postoje ni propisane oznake kojim se građanima pružaju informacije o putevima evakuacije, sredstvima za gašenje početnog požara, električnim sklopkama i sl. Svi objekti su opremljeni unutrašnjom hidrantskom mrežom koja se napaja iz centralnog vodovodnog sistema putem pumpi koje su smještene u podrumskim prostorima objekata.

Pregled stanja hidrantske mreže po objektima:

- B. Zenunija 1. - svih 12 hidranata (na svakom spratu po 1) su nekompletni, nedostaju crijeva ili mlaznice ili oboje

- B. Zenunija 2.- svih 14 hidranata kompletni,

- B.Zenunija 3. - svih 8 hidranata (na svakom 2 spratu) su nekompletni,

- B.Zenunija 4. - svih 8 hidranata (na svakom 2 spratu) su kompletni,

- B.Zenunija 5. - svih 14 hidranata su kompletni,

- B.Zenunija 6. - svih 9 hidranata su kompletni.

Upravnici zgrada nisu predočili zapisnike ili potvrde o periodičnom pregledu ispravnosti i funkcionalnosti hidrantske mreže shodno Pravilniku o tehničkim normativima za vanjsku i unutrašnju hidrantsku mrežu za gašenje požara ("Sl. novine FBiH", broj 87/11) kojim je propisno ispitivanje svakih 6 mjeseci.

Pregled broja i stanja aparata za gašenje početnog požara prema Pravilniku o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja ("Sl. novine FBiH", broj 46/11):

- B.Zenunija 1. - u objektu je zatečeno svega 3 aparata koji su smješteni u podrumu, nisu periodično pregledani i ispitani. Nedostaje još 10 aparata.

- B. Zenunija 2. - u objektu je obezbijeđeno 17 aparata i svi su dostupni, označeni i postavljeni na odgovarajuća mjesta. Svi aparati su periodično ispitani i ispravni u zakonskim rokovima.

- B.Zenunija 3. - U objektu je obezbijeđeno 11 aparata koji nisu dostupni i postavljeni na odgovarajuća mjesta te nisu periodično ispitani u zakonskim rokovima. Po izjavi predstavnika etažnih vlasnika jednim od tih aparata je lokalizovan nedavni požar oko lifta zgrade. Ovom objektu nedostaje 6 aparata.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0) 33 286-701, 286-702,  
Fax: + 387 (0) 33 226-445  
Sarajevo, La Benevolencije 16



- B.Zenunija 4. - U objektu je obezbijedeno 13 aparata koji su postavljeni po spratovima od kojih je za dva aparata predočena dokumentacija o njihovoj ispravnosti i funkcionalnosti. U ovom objektu nedostaje još 6 aparata.

- B.Zenunija 5. - U objektu je obezbijedeno 20 aparata i nisu postavljeni na odgovarajuća mjesta već su svi smješteni na posljednjem spratu zgrade. Nisu predočeni dokazi o periodičnom pregledu ispravnosti i funkcionalnosti aparata.

- B.Zenunija 6. - U objektu je obezbijedeno 11 aparata i svi su razmješteni po spratovima u stanovima o čemu je informacija o njima data na oglasnoj ploči zgrade. Za sve aparate predočeni su zapisnici o periodičnom ispitivanju sa rokom važenja do kraja juna 2020. godine.

Upravljačke jedinice liftova su smještene na posljednjim spratovima zgrada i sve ispunjavaju uslove posebnog požarnog sektora.

Za sve objekte upravnici nisu predočili odgovarajuću dokumentaciju koja se odnosi na ispitivanje ispravnosti i funkcionalnost elektroinstalacija zajedničkih dijelova zgrada, kao i ugrađenih gromobranskih instalacija.

Generalna ocjena stanja zaštite od požara na jedinstvenoj građevinskoj cjelini u ul. Bajrama Zenunija 1 do 6 nije zadovoljavajuća. To se posebno odnosi na objekte na broju 1, 3, 4 i 5 dok se u objektima 2 i 6 znatno bolje primjenjuju mjere zaštite od požara.

U cilju otklanjanja uočenih nedostataka inspektor je rješenjima naložio preduzimanje upravnih mjera (sa rokovima ne dužim od 30 dana) upravicima zgrada u ul. Bajrama Zenunija 1 do 6 naložio sljedeće:

- izrada i publikovanje uputstva građanima u slučaju nastanka požara,
- obilježavanje i markacija propisanim znakovima aparata za gašenje i puteva evakuacije,
- osiguranje potpune prohodnosti evakuacijskih izlaza, odnosno vrata,
- osiguranje nedostajuće hidrantske opreme,
- ispitivanje hidrantskih instalacija,
- osiguranje nedostajućih aparata za gašenje početnog požara,
- periodično ispitivanje aparata za gašenje,
- ispitivanje ispravnosti i funkcionalnosti elektro i gromobranskih instalacija.

Takođe se jednom fizičkom licu donosi i zabrana obavljanja poslova u prostoru jednog evakuacijskog izlaza. O stanju vatrogasnih prilaza inspektor će obavijestiti općinu Novi grad i Ministarstvo saobraćaja KS sa prijedlogom mjera iz njihove nadležnosti, u u cilju njihovog osiguranja i prohodnosti.

#### Prilog:

-CD.


#### Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0) 33 286-701, 286-702,  
Fax: + 387 (0) 33 226-445  
Sarajevo, La Benevoencije 16





Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Internal Affairs**

Broj:01-07-02-2-2590/20

Dana, 17.06.2020.godine

**SKUPŠTINA KANTONA SARAJEVO**

**PREDMET:** Odgovor na zastupničko pitanje zastupnice Neire Dizdarević-dostavlja se;  
**VEZA:** Vaš akt broj:01-04-12553-25/20 od 19.05.2020.godine;

Skupština Kantona Sarajevo je aktom broj i datum veze dostavila ovom Ministarstvu zastupničko pitanje zastupnice Neire Dizdarević o postupanju etažnih vlasnika i upravnika " Oki upravitelj" d.o.o. i ispunjavanju zakonskih obaveza po pitanju provođenja mjera zaštite od požara u stambenim objektima Stupska 19 ulazi I i II, Stupska 19A- ulazi I i II, Stupska 19B- ulazi I i II, Stupska 19C- ulazi I i II, Stupska 19D - ulazi I i II, i podzemnoj garaži stambeno – poslovnog kompleksa A,B, C, Stup Nukleus, u ulici Stupska bb. U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje Inspektora za zaštitu od požara zaposlenih u MUP-u KS:

Dana 27.05.2020. godine inspektor zaštite od požara je aktom broj: 03-40-265 u skladu sa članom 122. Zakona o organizaciji organa uprave u Federaciji Bosne i Hercegovine zatražio od "Oki upravitelj" d.o.o. - upravnika stambenih objekata (Stupska 19, Stupska 19A, Stupska 19B, Stupska 19C i Stupska 19D) i podzemne garaže Stupska bb dostavljanje atestne dokumentacije o izvršenim ispitivanjima ispravnosti hidrantske mreže, sistema detekcije CO, sistema vatrodajave, sprinkler sistema, panik rasvjete, elektro i gromobranske instalacije, ručnih aparata za gašenje početnih požara za navedene objekte, za period maj 2017. - maj 2020. godine.

Dana 09.06.2020. godine "Oki upravitelj" d.o.o. je dostavio traženu dokumentaciju. Nakon uvida u dostavljenu dokumentaciju, sačinili smo tabelarni prikaz izvršenih periodičnih ispitivanja koji dostavljamo u prilogu akta. Za podzemnu garažu nije dostavljena tražena atestna dokumentacija za period maj 2017.-novembar 2019. godine, osim Zapisnika o ispitivanju sistema detekcije CO i vatrodajave od 07.04. 2017. i 27.04. 2018. godine izdatih od "A.E. Sigurnost" d.o.o., Agencija za zaštitu ljudi i imovine. Kako navedena Agencija ne posjeduje (niti je u tom periodu posjedovala) rješenje o ovlaštenju za obavljanje poslova ispitivanja ispravnosti sistema aktivne zaštite od požara, u skladu sa članom 30. Pravilnika o obimu i postupku provjere i ispitivanja ispravnosti i funkcionalnosti ugrađenog sistema aktivne zaštite od požara, uvjetima koje moraju ispunjavati pravna lica koja vrše poslove ispitivanja ispravnosti i funkcionalnosti, kao i programu i načinu polaganja stručnog ispita za obavljanje tih poslova („Službene novine Federacije BiH", br. 69/13 i 02/18) isti se prema Zakonu zaštite od požara i vatrogastvu ne mogu prihvatiti kao validni. Dostavljen je Zapisnik o provjeri i



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



ispitivanju sprinkler sistema za gašenje požara vodom izdat od „Proving“ d.o.o. od 23.12.2019 godine, u kojem je konstatovano da je oprema u sprinkler stanici ispravna i funkcionalna, ali da se zbog izvršenog pregrađivanja parking mjesta i pretvaranja u garaže, sprinkler sistem smatra neispravnim i nefunkcionalnim, o čemu smo Vas ranije informisali. Nakon prvog izvršenog inspeksijskog nadzora u navedenim objektima 11.01.2020. godine „OKI upravitelj“ d.o.o. je dostavio Zapisnike o izvršenim periodičnim pregledu aparata za gašenje početnih požara od 31.10. i 15.11.2019 i Zapisnike o provjeri i ispitivanju ispravnosti i funkcionalnosti hidrantske mreže stambene objekte Stupska 19A i 19B, od 14.01.2020. godine.

Prema izjavi upravnika trenutno je u toku ispitivanje hidrantske instalacije i aparata za početno gašenje požara za objekte u kojima su važeće Potvrde o ispravnosti istekle. Rješenjem ovog inspektorata od 29.01.2020.godine upravniku je naloženo da izvrši ispitivanje ispravnosti hidrantske mreže, sistema detekcije gasa, ispravnosti i funkcionalnosti vatrodajnog sistema, elektroinstalacija, panik rasvjete i aparata za gašenje početnih požara podzemne garaže te gromobranske instalacije objekata. Upravnik je postupio po naloženim mjerama i izvršio navedena ispitivanja. Sistem dojave požara i sprinkler sistem još uvijek nisu ispravni, jer se zbog izvršenog pregrađivanja prostora i pretvaranja u garaže smatraju neispravnim i nefunkcionalnim. Dana 28.01.2020. godine inpektor Inspektorata je rješenjem naredio „Oki upravitelj“ d.o.o., da u saradnji sa predstavnikom etažnih vlasnika, izda upozorenje etažnim vlasnicima parking mjesta da izvrše uklanjanje građevinskih i drugih fizičkih prepreka (zidovi, garažna vrata) kojim su izvršili pregrađivanje parking mjesta i da spisak stanara koji nisu uklonili građevinske i fizičke prepreke sa parking mjesta, dostaviti ovoj inspekciji (u prilogu). „Oki upravnik „ d.o.o. je postupio po rješenju ( upozorio etažne vlasnike – u prilogu ) , nakon čega je inspekcija u skladu sa svojim nadležnostima pokrenula upravni postupak prema etažnim vlasnicima parking prostora ( izdato 48 rješenja etažnim vlasnicima za uklanjanje građevinskih preprka – zidova i garažnih vrata na bespravno izgrađenim garažama), postupak je još u toku iz razloga što su etažni vlasnici podnijeli žalbe na Rješenja drugostepenom organu . Do sada je drugostepeni organ - Inspektorat federalnog ministarstva unutrašnjih poslova odbio deset žalbi etažnih vlasnika , čime su iste postale konačne u upravnom postupku, te će inspektori nastaviti nadzor izvršenja upravne mjere od strane etažnih vlasnika. Pojednim etažnim vlasnicima nije uručeno rješenje iz razloga što trenutno žive van države. Uvidom u navedenu dostavljenu dokumentaciju i izvršenim inspeksijskim nadzorima konstatuje se da u periodu od maja 2017. do događaja požara 10.11.2019. godine nisu vršena redovna ispitivanja ispravnosti i funkcionalnosti hidrantske mreže, sistema detekcije CO, sistema vatrodajave, sprinkler sistema, panik rasvjete i ručnih aparata za gašenje početnih požara u zakonom i podzakonskim aktima propisanim rokovima redovnih ispitivanja ispravnosti i funkcionalnosti u podzemnoj garaži (redovno ispitivanje ispravnosti i funkcionalnosti ovih sistema vrši se najmanje dva puta godišnje) kao ni gromobranske instalacije stambenih objekata (propisani rok ispitivanja je svake tri godine). Inspeksijskim nadzorom je konstatovano da predstavnik etažnih vlasnika i “Oki upravnik” d.o.o. u prethodnom periodu nisu pismeno već, prema njihovim izjavama, usmeno upozoravali etažne vlasnike na nezakonito građenje individualnih garaža i ugrožavanje sistema protivpožarne zaštite.

**Prilog:**

-CD.


**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0) 33 286-701, 286-702,  
Fax: + 387 (0) 33 226-445  
Sarajevo, La Benevolencije 16





Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Internal Affairs

Broj: 01-7-02-2-3022/20  
Sarajevo, 15.06.2020.godine

SKUPŠTINA KANTONA SARAJEVO  
n/r predsjedavajućeg Skupštine

**PREDMET:** Odgovor na zastupničko pitanje zastupnika Vreto Elvisa, dostavlja se;

**VEZA:** Vaš akt broj: 01-04-12553-78/20 od 05.06.2020. godine.

Skupština Kantona Sarajevo je dopisom broj i datum veze, dostavila ovom Ministarstvu zastupničko pitanje zastupnika Vreto Elvisa tražeći **“informaciju o svim osobama koje su do sada obavljale ili trenutno obavljaju dužnost punomoćnika po ovlaštenju od strane svakog ministarstva koje u svojoj nadležnosti ima upravljanje nad javnim preduzećima, a koja su vršili ili vrše ovlaštenje kao skupština preduzeća od dana primjene do 01.06.2020. godine na osnovu donešene odluke u 2019. godini o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo“**.

Obavještavamo Vas da Ministarstvo unutrašnjih poslova je organ uprave, koji vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti unutrašnjih poslova i poslove inspekcijuskog nadzora nad radom agencija za zaštitu ljudi i imovine i poslove inspekcijuskog nadzora nad sprovođenjem mjera zaštite od požara i poslove inspekcijuskog nadzora nad matičnim knjigama i civilnim registrom. Shodno gore navedenom, Ministarstvo unutrašnjih poslova Kantona Sarajevo nije nadležno nad upravljanjem javnim preduzećima.

S poštovanjem,

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16





Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-7-02-2-2591/20  
Sarajevo, 05.06.2020.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničku inicijativu zastupnika Nikšić Damira, dostavlja se;

**VEZA:** Vaš akt broj:01-04-12553/20 od 19.05.2020. godine.

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu koju je na 25. Radnoj sjednici Skupštine Kantona Sarajevo održanoj dana 18.05.2020. godine podnio zastupnik Nikšić Damir.

**Prilog:**

-Akt Uprava policije broj: 02/2-60/20 od 03.06.2020. godine,  
-CD;



**MINISTAR**

Ismir Jusko

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



**Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
Sektor uniformisane policije  
SARAJEVO**

Broj: 02/2- 60 /20  
Datum: 03.06.2020. godine

**MUP KANTONA SARAJEVO**  
n/r sekretara

**PREDMET:** Zastupnička inicijativa zastupnika Nikšić Damira, odgovor, dostavlja se,-

Na 25. Radnoj sjednici Skupštine Kantona Sarajevo, održanoj dana 18.05.2020. godine, zastupnik Nikšić Damir je podnio slijedeću zastupničku inicijativu: „**Pokrećem inicijativu prema vladi i resornom ministarstvu da se vrati novac građana koji su platili kazne za nenošenje ili nepropisno nošenje maski na otvorenom prostoru, tj. na javnim mjestima**“.

**Odgovor:**

Obavještavamo Vas da Uprava policije nije nadležna za razmatranje navedene zastupničke inicijative niti vam može dati adekvatan odgovor, obzirom da regulativa koja se odnosi na navedenu problematiku povrat novca ne tretira na opisan način, već je zakonodavac isključivo u navedenom segmentu propisao individualizaciju tretiranja i odnosa stranke i organa, te ovakve i slične inicijative mogu biti eventualno tretirane kroz procedure koje nisu u nadležnosti Uprave policije.

Također Vas obavještavamo da navedene vrste plaćanja spadaju u kategoriju javnih prihoda Kantona Sarajevo, te samim tim povrat sredstava po osnovu, koji se ističe u zastupničkoj inicijativi, nije u nadležnosti Uprave policije.


S poštovanjem.



**POLICIJSKI KOMESAR**  
Generalni inspektor policije

**Nusret Selimović**





Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-7-02-2-2589/20  
Sarajevo, 05.06.2020. godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničku inicijativu zastupnice Samre Ćosović-Hajdarević, dostavlja se;

**VEZA:** Vaš akt broj:01-04-12553-2/20 od 19.05.2020. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljam odgovor na zastupničku inicijativu, koju je na 25. Radnoj sjednici Skupštine Kantona Sarajevo održanoj dana 18.05.2020. godine postavila zastupnica Samra Ćosović-Hajdarević .

**Prilog:**

-Akt Uprave policije broj: 02/2-02-2-2178/20 od 04.06.2020. godine,  
-CD;



**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02/2- 01-2-2178 /20  
Datum: 04.06.2020.godine

**MINISTARSTVO UNUTRAŠNJIH POSLOVA**  
**n/r sekretara**

**PREDMET:** Zastupnička inicijativu zastupnice Samre Čosović-Hajdarević,  
odgovor, dostavlja se.-

Veza: Vaš akt broj 01-7-02-2-2589/20 od 22.05.2020. godine

Zastupnica Samra Čosović-Hajdarević je na 25. Radnoj sjednici Skupštine Kantona Sarajevo održanoj dana 18.05.2020. godine, postavila slijedeću zastupničku inicijativu: „Molim resorno ministarstvo da preispita sigurnost saobraćaja u naselju Alipašino polje, općina Novi Grad Sarajevo na navedenoj raskrsnici te da pristupi rješavanju sigurnosti saobraćaja na odgovarajući način.“

**Odgovor na zastupničku inicijativu:**

Nadležna organizaciona jedinica Uprave policije je izvršila uvid u zvanične evidencije saobraćajnih nezgoda, za 2019. i 2020. godinu obzirom da zastupnica navodi učestalost saobraćajnih nezgoda na lokaciji raskrsnica ulica Bosanska, Ive Andrića, Semira Frašte sa IX Transvezalom, sa navedenim datumima 24.01.2019., 19.03.2019., 26.04.2019., 17.05.2019. i 16.05.2020. godine, kojom prilikom je ustanovljeno da su na IX Transvezali policijski službenici Četvrtne policijske uprave vršili uviđaje saobraćajnih nezgoda dana 24.01.2019., 19.03.2019., 17.05.2019. i 16.05.2020. godine.

S obzirom da je IX Transvezala na svim raskrsnicama s ostalim ulicama regulisana svjetlosnim saobraćajnim znakovima, frekventnost saobraćajnih nezgoda, u odnosu na ostale ulice na području općine Novi Grad, nije veća.


Radi održavanja povoljnog stanja sigurnosti saobraćaja na području Općine Novi Grad, policijski službenici svakodnevno postupaju po akcionom planu, koji se odnosi na pojačane mjere i radnje na održavanju povoljnog stanja sigurnosti saobraćaja.

Policijski službenici Četvrtе policijske uprave, obavljajući redovne poslove i zadatke, svakodnevno vrše obilazak ulica na području naselja Alipašino polje, u cilju sprječavanja nepoštivanja saobraćajnih propisa, samim tim i smanjenja saobraćajnih nezgoda, kao i nepropisno parkiranih motornih vozila, sa posebnim osvrtom na ulice Bosanska, Nerkeza Smailagića, Geteova, Trg Nezavisnosti, Trg Solidarnosti, Trg Međunarodnog prijateljstva i Bajrama Zenunija, zbog neposrednih blizina osnovnih škola „Meša Selimović” i „Fatima Gunić”, te će nastaviti svakodnevno rad po navedenoj problematici u skladu sa utvrđenim prioritetima i raspoloživim resursima.



**POLICIJSKI KOMEŠAR**  
**Generalni inspektor policije**

**Nusret Selimović**



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-7-02-2-2630/20  
Sarajevo, 05.06.2020.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnice Neire Dizdarević, dostavlja se;

**VEZA:** Vaš akt broj: 01-04-12553-44/20 od 20.05.2020.godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 25. Radnoj sjednici Skupštine Kantona Sarajevo održanoj dana 18.05.2020. godine postavila zastupnica Neira Dizdarević.

**Prilog:**

-Akt Uprave policije broj: 02/2-02-2-2177/20 od 04.06.2020. godine,  
-CD;



**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02/2-02-2-2177/20  
Datum: 04.06.2020.godine

**MINISTARSTVO UNUTRAŠNJIH POSLOVA**  
**n/r sekretara**

**PREDMET:** Odgovor na zastupničko pitanje zastupnice Neire Dizdarević, dostavlja se.-

**Veza:** Vaš akt broj 01-7-02-2-2630/20 od 26.05.2020. godine

Zastupnica Neira Dizdarević je na 25. Radnoj sjednici Skupštine Kantona Sarajevo održanoj dana 18.05.2020. godine, postavila slijedeće zastupničko pitanje: „Molim da mi dostavite informaciju o provedbi dijela Akcionog plana za prevenciju i suzbijanje krađa motornih vozila u Kantonu Sarajevo vezanog za izgradnju integrisanog sistema video nadzora na području Kantona Sarajevo, a naročito prioritnog dijela pokrivanja videonadzorom svih izlaza iz Kantona Sarajevo, odnosno do sada realiziranog plana, kao i o utrošku finansijskih sredstava za taj segment.“

**Odgovor na zastupničko pitanje:**

Akcionim planom za prevenciju i suzbijanje krađa motornih vozila u Kantonu Sarajevo predviđena je izgradnja sistema videonadzora u više faza. Prvim prioritetom Akcionog plana predviđeno je uspostavljanje videonadzora na svim ulazima i izlazima iz Kantona Sarajevo, te na najbitnijim područjima u Kantonu Sarajevo (raskrsnice i javne površine po preporuci policijskih službenika Uprave policije).

**Videonadzor ulaza i izlaza iz Kantona Sarajevo**

Akcionim planom za prevenciju i suzbijanje krađa motornih vozila u Kantonu Sarajevo predviđeno je pokrivanje ulazno/izlaznih pravaca u Kanton Sarajevo, tako da je u toku 2019. godine izvršeno pokrivanje 18 najvećih ulazno/izlaznih pravaca analitičkim video kamerama. Budžetom Uprave policije za 2019. godinu je predviđeno 490.000 KM za ove aktivnosti, a utrošeno je 488.685,60 KM. Predviđeno je da se pokriju još određeni lokalni/makadamski pristupni putevi, a sistem će se dodatno nadograđivati u skladu sa razvojem Kantona i izgradnjom novih saobraćajnica.

**Videonadzor u Općinama Kantona Sarajevo**

Određeni projekti videonadzora do sada su realizovani ili pokrenuti uz saradnju i pomoć sa općinama Kantona Sarajevo, a to se odnosi na projekte koji su pokrenuti prije formiranja Odjeljenja za videonadzor MUP-a Kantona Sarajevo kako slijedi:

**Videonadzor u Općini Stari Grad**

Realizovan uz pomoć i sredstvima općine Stari Grad, u skladu sa Akcionim planom za prevenciju i suzbijanje krađa motornih vozila u Kantonu Sarajevo. Postavljene su kamere 1. prioriteta iz Akcionog plana na području Općine Stari Grad.

### **Videonadzor općine Novo Sarajevo**

Videonadzor u Općini Novo Sarajevo je urađen prije izrade Akcionog plana i nedavno je proširen sa novim kamerama ugrađenim na osnovu plana općine iz 2012. godine. Završena VI faza proširenja videonadzora javnih površina na području ove lokalne zajednice.

### **Videonadzor općine Novi Grad – Dobrinja**

Općina Novi Grad je u saradnji sa Ministarstvom unutrašnjih poslova Kantona Sarajevo krenula u realizaciju videonadzora Dobrinje, na osnovu Akcionog plana za prevenciju i suzbijanje krađa motornih vozila u Kantonu Sarajevo. Izrada i revizija projekta završena i u narednom periodu očekuje se raspisivanje poziva za javnu nabavku od strane Općine Novi Grad. Projektom će se na Dobrinji postaviti videonadzorne kamere predviđene prvim prioritetom Akcionog plana.

### **Videonadzor općine Vogošća**

Izvršeno je proširenje postojećeg videonadzornog sistema u Vogošći prilikom kojeg su dodate nove kamere na ranije predviđene lokacije. Postoji inicijativa općine i Sedme policijske uprave za proširenje sistema koje bi se trebalo pokrenuti u skorijem periodu. Za dan 04.06.2020. godine planiran sastanak predstavnika općine Vogošća, Sedme policijske uprave i Odjeljenja za videonadzor.

### **Videonadzor općine Hadžići**

Određene lokacije u Kantonu se tretiraju kao prioritet 1, iako su u vrijeme pripreme Akcionog plana smatrane prioritetom 2. Konkretno radi se o području općine Hadžići, na kojoj se nalazi imigracioni Centar „Ušivak“, a za koje područje su na osnovu sigurnosne procjene Uprave policije, kao i zastupničke inicijative su predložene lokacije videonadzornih kamera koje se većim dijelom podudaraju sa Akcionim planom. MUP Kantona Sarajevo je sa BH Telekomom inicirao pripremu lokacija kako bi se na njima obezbjedila adekvatna optička infrastruktura neophodna za uspostavu novog videonadzornog sistema.

### **Nove kamere na lokacijama**

Određene postojeće i neke nove lokacije su unaprijeđene sa novim kamerama visoke rezolucije, a na osnovu procjene Uprave policije ili na osnovu zastupničkih inicijativa kao npr. spomenik ocu Rami u Velikom parku gdje je zabilježeno nekoliko slučajeva vandalizma spomenika.



**POLICIJSKI KOMESAR**  
**Generalni inspektor policije**

**Nusret Selimović**



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-7-02-2-2641/20  
Sarajevo, 03.06.2020.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnika Nikšić Damira, dostavlja se;

**VEZA:** Vaš akt broj: 01-04-12553-1/20 od 19.05.2020. godine.

Skupština Kantona Sarajevo je dopisom broj i datum veze dostavila ovom Ministarstvu zastupničko pitanje zastupnika Nikšić Damira „Gdje su pare?“.

Obavještavamo Vas da Ministarstvo unutrašnjih poslova je organ uprave, koji vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti unutrašnjih poslova i poslove inspeksijskog nadzora nad radom agencija za zaštitu ljudi i imovine i poslove inspeksijskog nadzora nad sprovođenjem mjera zaštite od požara. Zakonom o organizaciji i djelokrugu organa uprave i upravnih organizacija Kantona Sarajevo propisano je da Ministarstvo finansija ostvaruje nadležnost Kantona u oblasti finansija i poslove budžetske inspekcije.

**Prilog:**

-CD;

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



MINISTAR

Ismir Jusko

